

**TÈM LESON SA A SE ELEMAN NATIRÈL****SYANS EKSPERIMENTAL****KONSÈY**

Ministè Edikasyon Nasyonal mete nan men tout elèv nan peyi a kaye egzèsis sa a. L ap pèmèt ou aprann konnen kò w, jan li fèt, jan li fonksyone ak tout bon konpòtman ou dwe genyen pou rete an sante.

L ap pèmèt ou konnen tout plant ak tout bêt k ap viv bò kote w. L ap pèmèt ou fè anpil egzèsis pou konprann pi byen tout lesон mèt la oubyen metrès la te fè ak ou nan syans eksperimental.

Pou fè egzèsis yo, w ap bezwen kreyon nwa ak kreyon koulè. Se pou w koute byen, oswa li byen sa yo mande w fè yo pou w ka reyisi egzèsis yo. Apre chak seri egzèsis, w ap jwenn tout sa ou dwe konnen sou lesон an. Pa blyie ou dwe refè tout egzèsis yo epi repase tout sa nou dwe konnen yo anvan chak egzamen.

Egzèsis yo enpòtan anpil pou ede w konprann nosyon mèt la oubyen metrès la ap montre w la. Ou dwe fè yo apre chak lesон epi lè mèt la oubyen metrès la mande w fè yo. Si w gen egzèsis ou pa konprann, ale kote mèt la oubyen metrès la pou li ba w plis esplikasyon.

Kaye sa a se pou ou, ou dwe pwoteje l epi kenbe l pwòp.



## TÈM : ELEMAN NATIRÈL

### OBJEKTIF :

Esplike fòmasyon sòl la epi rekonèt enpòtans li nan lavi bêt ak moun.

1) Lè w obsèye yon pil tè, ekri non kat (4) bagay ou kapab jwenn ladan l

a) \_\_\_\_\_

an) \_\_\_\_\_

b) \_\_\_\_\_

ch) \_\_\_\_\_

2) Lè w kraze yon wòch, ki sa l tounen ?

R- \_\_\_\_\_

3) Ekri de (2) fason sòl la itil moun.

R- a) \_\_\_\_\_

an) \_\_\_\_\_

4) Si nou rache yon plant nan sòl la, èske l ap kontinye viv ?

R- \_\_\_\_\_

5) Esplike pou ki sa nou di sòl la enpòtan pou moun ak bét.

R- \_\_\_\_\_

\_\_\_\_\_

\_\_\_\_\_

### SA NOU DWE KONNEN :

Sòl la se sou li nou mache, plante epi fè kay. Li fòme ak: moso wòch kraze ; rès plant tankou fèy, rasin, tij, fwi ; rès bêt mouri ; ti bêt vivan. Li pa menm jan tout kote. Gen sòl ki fen, gen lòt ki gwo, genyen ki nwa, genyen ki jòn e menm gen ki wouj.



### OBJEKTIF :

Montre egzistans lè nan nati a

1) Mete yon ti dlo bouyi nan yon mamit epi mande ti moun yo pou yo obsève dlo a depi lè yo mete l sou dife a jiskaske li bouyi.

a) Ki sa nou obsève nan dlo a anvan li bouyi ?

---

an) Aprè eksperyans sa a, di ki sa nou jwenn nan dlo ki endispansab pou bét k ap viv nan dlo ?

---

2) Mete dlo nan yon bokal transparan rive nan mwatye. Pran yon valè tè epi vide l ti kras pa ti kras ladan l.

a) Ki sa nou obsève ?

---

an) Ki sa nou ka di de sòl la aprè eksperyans nou sot fè a ?

---

3) Fè van pou lòt ak kaye nou

a) Ki sa nou te santi lè kamarad nou an t ap fè van pou nou ?

---

an) Aprè eksperyans sa a, di ki sa nou jwenn nan atmosfè a ki endispansab pou èt vivan.

---

4) Di twa (3) kote yo jwenn lè nan nati a.

a) Nan dlo (se sa ki pèmèt bét ki viv nan dlo yo respire).

an) Nan sòl la.

b) Nan atmosfè a (se sa ki pèmèt bét vivan k ap viv sou tè a respire).

### SA NOU DWE KONNEN :

- Nan nati a nou jwenn lè a twa (3) kote : nan dlo, nan atmosfè a epi nan sòl.

